

OFFERYNNAU STATUDOL  
CYMRU

**2024 Rhif 763 (Cy. 111)**

**ADDYSG, CYMRU**

**Rheoliadau Dileu Atebolrwydd dros  
Fenthyciadau i Fyfyrrwyr at Gostau  
Byw (Cymru) 2024**

**NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn llywodraethu'r atebolrwydd dros fenthyciad myfyrrwyr sydd gan fyfyrwyr llawnamser sy'n cael benthyciadau at gostau byw gan Weinidogion Cymru mewn cysylltiad â blwyddyn academaidd 2024/2025.

Mae'r Rheoliadau hyn yn darparu ar gyfer dileu hyd at £1,500 o atebolrwydd benthyciwr dros fenthyciad at gostau byw mewn amgylchiadau penodol, gydag effaith o'r diwrnod ar ôl y dyddiad yr ystyrir bod ei ad-daliad cyntaf ar ei fenthyciad wedi ei gael.

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal aseiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

---

OFFERYNNAU STATUDOL  
CYMRU

---

**2024 Rhif 763 (Cy. 111)**

**ADDYSG, CYMRU**

**Rheoliadau Dileu Atebolrwydd dros  
Fenthyciadau i Fyfyrrwyr at Gostau  
Byw (Cymru) 2024**

*Gwnaed* 24 Mehefin 2024

*Gosodwyd* gerbron *Senedd*  
*Cymru* 26 Mehefin 2024

*Yn dod i rym* 1 Awst 2024

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd i'r Ysgrifennydd Gwladol gan adrannau 22(1)(a), (2)(g) a (3)(d) a 42(6) o Ddeddf Addysgu ac Addysg Uwch 1998<sup>(1)</sup> ac sydd bellach yn arferadwy ganddynt hwy<sup>(2)</sup>.

**Enwi a dod i rym**

**1.—(1)** Enw'r Rheoliadau hyn yw Rheoliadau Dileu Atebolrwydd dros Fenthyciadau i Fyfyrrwyr at Gostau Byw (Cymru) 2024.

(2) Daw'r Rheoliadau hyn i rym ar 1 Awst 2024.

---

(1) 1998 p. 30; diwygiwyd adran 22(1) gan adran 146(2)(a) o Ddeddf Dysgu a Sgiliau 2000 (p. 21). *Gweler* adran 43(1) o Ddeddf Addysgu ac Addysg Uwch 1998 am y diffiniadau o "prescribed" a "regulations".

(2) Trosglwyddwyd swyddogaethau'r Ysgrifennydd Gwladol o dan adran 22(1)(a), (2)(g) a (3)(d) o Ddeddf Addysgu ac Addysg Uwch 1998 i Gynulliad Cenedlaethol Cymru i'r graddau y maent yn ymwneud â gwneud darpariaeth o ran Cymru gan adran 44 o Ddeddf Addysg Uwch 2004 (p. 8). Trosglwyddwyd swyddogaeth yr Ysgrifennydd Gwladol yn adran 42(6) o Ddeddf Addysgu ac Addysg Uwch 1998, i'r graddau y mae'n arferadwy o ran Cymru, i Gynulliad Cenedlaethol Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) ac Atodlen 1 iddo. Trosglwyddwyd swyddogaethau Cynulliad Cenedlaethol Cymru i Weinidogion Cymru yn rhinwedd adran 162 o Ddeddf Llywodraeth Cymru 2006 (p. 32) a pharagraff 30 o Atodlen 11 iddi.

## Cymhwyso

2. Mae'r Rheoliadau hyn yn gymwys o ran Cymru ac mewn perthynas â darparu cymorth i fyfyrwyr mewn cysylltiad â Blwyddyn Academaidd 2024/2025.

## Dehongli

### 3. Yn y Rheoliadau hyn—

mae i “Atebolrwydd sydd heb ei Dalu” (“*Outstanding Liability*”) yr ystyr a roddir yn rheoliad 7;

ystyr “benthyciad at gostau byw” (“*loan for living costs*”) yw benthyciad a geir gan Weinidogion Cymru mewn cysylltiad â Blwyddyn Academaidd 2024/2025 o dan Ran 6 o Reoliadau Addysg (Cymorth i Fyfywr) (Cymru) 2017(1) neu o dan Ran 8 o Reoliadau Addysg (Cymorth i Fyfywr) (Cymru) 2018(2) mewn cysylltiad â chwrs llawnamser;

ystyr “benthyciwr” (“*borrower*”) yw person sydd wedi cael benthyciad at gostau byw;

ystyr “blwyddyn academaidd” (“*academic year*”) yw'r cyfnod o 12 mis sy'n dechrau ar 1 Medi, 1 Ionawr, 1 Ebrill neu 1 Gorffennaf yn y flwyddyn galendr y mae blwyddyn academaidd y cwrs o dan sylw yn dechrau ynnddi, yn ôl a yw'r flwyddyn academaidd honno yn dechrau ar neu ar ôl 1 Awst ond cyn 1 Ionawr, ar neu ar ôl 1 Ionawr ond cyn 1 Ebrill, ar neu ar ôl 1 Ebrill ond cyn 1 Gorffennaf, neu ar neu ar ôl 1 Gorffennaf ond cyn 1 Awst, yn y drefn honno;

ystyr “Blwyddyn Academaidd 2024/2025” (“*Academic Year 2024/2025*”) yw blwyddyn academaidd sy'n dechrau ar neu ar ôl 1 Medi 2024 ond cyn 1 Medi 2025;

ystyr “Deddf 1998” (“*the 1998 Act*”) yw Deddf Addysgu ac Addysg Uwch 1998;

ystyr “Deddf 2008” (“*the 2008 Act*”) yw Deddf Gwerthu Benthyciadau Myfyrwyr 2008(3);

ystyr “Dyddiad Ad-dalu” (“*Repayment Date*”) yw'r diwrnod ar ôl y dyddiad yr ystyrir bod ad-daliad cyntaf y benthyciwr ar ei fenthyciad wedi ei gael naill ai gan Gyllid a Thollau Ei Fawrhydi neu

- 
- (1) O.S. 2017/47 (Cy. 21); yr offerynnau diwygio perthnasol yw O.S. 2018/814 (Cy. 165), O.S. 2020/1302 (Cy. 287), O.S. 2021/9 (Cy. 4), O.S. 2021/481 (Cy. 148), O.S. 2021/1365 (Cy. 360), O.S. 2022/764 (Cy. 166), O.S. 2023/1349 (Cy. 243) ac O.S. 2024/86 (Cy. 24).
- (2) O.S. 2018/191 (Cy. 42); yr offerynnau diwygio perthnasol yw O.S. 2018/814 (Cy. 165), O.S. 2020/708 (Cy. 159), O.S. 2021/481 (Cy. 148), O.S. 2022/49 (Cy. 18), O.S. 2023/87 (Cy. 17), O.S. 2023/1349 (Cy. 243) ac O.S. 2024/86 (Cy. 24).
- (3) 2008 p. 10.

gan Weinidogion Cymru, pa un bynnag yr ystyrir iddo ei gael gyntaf (yn unol â rheoliadau a wneir o dan adran 22 o Ddeddf 1998<sup>(1)</sup>);

mae i “Dyddiad Bodloni” (“*Satisfaction Date*”) yr ystyr a roddir yn rheoliad 9;

mae “Gweinidogion Cymru” (“*Welsh Ministers*”) yn cynnwys unrhyw berson y mae Gweinidogion Cymru wedi trosglwyddo neu wedi dirprwyo eu swyddogaethau iddo o dan adran 23 o Ddeddf 1998<sup>(2)</sup> neu unrhyw berson y maent wedi trosglwyddo eu hawliau iddo o dan adran 9 o Ddeddf 2008;

mae i “Swm Penodedig” (“*Specified Amount*”) yr ystyr a roddir yn rheoliad 6.

### Y cymhwyster ar gyfer dileu

4. Mae benthyciwr yn gymwys i gael y Swm Penodedig o’i Atebolrwydd sydd heb ei Dalu wedi ei ddileu yn yr amgylchiadau a nodir yn rheoliad 5 (“yr Amgylchiadau”).

### Yr Amgylchiadau

5. Yr Amgylchiadau at ddibenion rheoliad 4 yw bod Gweinidogion Cymru yn ystyried, ar y Dyddiad Ad-dalu—

- (a) nad yw’r benthyciwr wedi torri unrhyw rwymedigaeth a geir mewn unrhyw gytundeb ar gyfer benthyciad myfyriwr neu mewn unrhyw reoliadau a wneir o dan adran 22 o Ddeddf 1998,
- (b) nad oes gan y benthyciwr gosbau, costau, treuliau neu ffioedd sydd heb eu talu mewn perthynas ag unrhyw fenthyciad o’r fath yn unol ag unrhyw gytundeb neu unrhyw reoliadau o’r fath, ac
- (c) na ddilëwyd (gan gynnwys dilead o £0.00) o dan un o’r Rheoliadau a restrir yn yr Atodlen unrhyw atebolrwydd sydd gan y benthyciwr i dalu mewn cysylltiad â benthyciad a gafwyd gan Weinidogion Cymru.

### Y Swm Penodedig

6. Y Swm Penodedig yw’r swm lleiaf o’r canlynol—

- (a) £1,500, neu

---

(1) Ar adeg gwneud y Rheoliadau hyn, penderfynir ar y dyddiad yr ystyrir bod ad-daliad benthyciwr wedi ei gael yn unol â rheoliad 17 o O.S. 2009/470.

(2) Diwygiwyd adran 23 gan adran 146(3) o Ddeddf Dysgu a Sgiliau 2000, O.S. 2002/808 (Cy. 89) ac O.S. 2010/1158.

(b) yr Atebolrwydd sydd heb ei Dalu.

### **Yr Atebolrwydd sydd heb ei Dalu**

7.—(1) Yn ddarostyngedig i baragraff (2), yr Atebolrwydd sydd heb ei Dalu yw'r cyfanswm yr ystyrir ei fod yn daladwy gan y benthyciwr ar y Dyddiad Ad-dalu mewn cysylltiad ag unrhyw fenthyciad at gostau byw, ond nid yw'n cynnwys unrhyw swm sy'n fwy na'r swm y mae gan y benthyciwr hawlogaeth iddo, unrhyw log sydd wedi cronni nac unrhyw gosbau, unrhyw gostau, unrhyw dreuliau neu unrhyw ffioedd yr aed iddynt mewn cysylltiad ag unrhyw fenthyciad o'r fath.

(2) At ddibenion rheoliad 9, yr Atebolrwydd sydd heb ei Dalu yw'r cyfanswm yr ystyrir ei fod yn daladwy gan y benthyciwr ar y Dyddiad Bodloni mewn cysylltiad ag unrhyw fenthyciad at gostau byw, ond nid yw'n cynnwys unrhyw swm sy'n fwy na'r swm y mae gan y benthyciwr hawlogaeth iddo, unrhyw log sydd wedi cronni nac unrhyw gosbau, unrhyw gostau, unrhyw dreuliau neu unrhyw ffioedd yr aed iddynt mewn cysylltiad ag unrhyw fenthyciad o'r fath.

(3) At ddibenion cyfrifo'r Atebolrwydd sydd heb ei Dalu ym mharagraffau (1) a (2), cyfrifir y swm yr ystyrir ei fod yn daladwy gan y benthyciwr yn unol â rheoliadau a wneir yn unol ag adran 22 o Ddeddf 1998(1).

### **Dileu**

8. O dan yr Amgylchiadau yn rheoliad 5, rhaid i Weinidogion Cymru ddileu'r Swm Penodedig gydag effaith o'r Dyddiad Ad-dalu.

9. Os oes unrhyw un neu ragor o'r Amgylchiadau yn rheoliad 5 heb ei fodloni neu heb eu bodloni ar y Dyddiad Ad-dalu, ond ei fod yn cael ei fodloni neu eu bod yn cael eu bodloni ar ddyddiad diweddarach, caiff Gweinidogion Cymru ddileu'r Swm Penodedig gydag effaith o'r dyddiad y maent yn ystyried y cafodd yr Amgylchiadau eu bodloni ("y Dyddiad Bodloni").

*Lynne Neagle*

Ysgrifennydd y Cabinet dros Addysg, un o  
Weinidogion Cymru  
24 Mehefin 2024

---

(1) Ar adeg gwneud y Rheoliadau hyn, penderfynir ar y swm yr ystyrir bod benthyciwr wedi ei ad-dalu ac felly'r swm yr ystyrir ei fod yn dal yn daladwy yn unol ag O.S. 2009/470. Gweler yn benodol reoliadau 17, 29, 44, 74A a 75A.

## YR ATODLEN Rheoliad 5

**1.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2010**(1)**.

**2.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2011**(2)**.

**3.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2012**(3)**.

**4.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2013**(4)**.

**5.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2014**(5)**.

**6.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2015**(6)**.

**7.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2016**(7)**.

**8.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2017**(8)**.

**9.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2018**(9)**.

**10.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2019**(10)**.

**11.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2020**(11)**.

- 
- (1) O.S. 2010/1704 (Cy. 164).  
(2) O.S. 2011/1654 (Cy. 189).  
(3) O.S. 2012/1518 (Cy. 201).  
(4) O.S. 2013/1396 (Cy. 135).  
(5) O.S. 2014/1314 (Cy. 134).  
(6) O.S. 2015/1418 (Cy. 142).  
(7) O.S. 2016/48 (Cy. 20).  
(8) O.S. 2017/489 (Cy. 102).  
(9) O.S. 2018/818 (Cy. 166).  
(10) O.S. 2019/1073 (Cy. 191).  
(11) O.S. 2020/638 (Cy. 146).

**12.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2021**(1)**.

**13.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2022**(2)**.

**14.** Rheoliadau Dileu Atebolrwydd dros Fenthyciadau i Fyfyrywyr at Gostau Byw (Cymru) 2023**(3)**.

---

**(1)** O.S. 2021/796 (Cy. 190).  
**(2)** O.S. 2022/639 (Cy. 142).  
**(3)** O.S. 2023/494 (Cy. 73).